

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“- Izvor 10, Budžeta Zeničko-dobojskog kantona za 2025. godinu, broj 02-11-6834/25 od 04.04.2025. godine, na prijedlog Ministarstva zdravstva, Vlada Zeničko-dobojskog kantona, na 81. sjednici, održanoj dana 16.05.2025. godine,

d o n o s i

O D L U K U

o odobravanju sredstava javnim zdravstvenim ustanovama za finansiranje nabavke medicinske opreme – hidraulični ginekološki stolovi

Član 1.

(Predmet)

(1) Odobravaju se sredstva javnim zdravstvenim ustanovama sa područja Zeničko-dobojskog kantona u ukupnom iznosu od 116.099,90 KM (slovima: stotinušesnaest hiljada devedesetdevet i 90/100 konvertibilnih maraka) za finansiranje nabavke hidrauličnih ginekoloških stolova za pregled žena sa invaliditetom.

(2) Odobrena sredstva se raspoređuju u jednakim iznosima od 8.292,85 KM (slovima: osam hiljadadvijestotinedevadesetdvije i 85/100 konvertibilne marke) na sljedeće zdravstvene ustanove:

- a) JU Kantonalna bolnica Zenica,
- b) JU Opća bolnica Tešanj,
- c) JU „Dom zdravlja“ Breza,
- d) JU Dom zdravlja Doboju Jug,
- e) JU „Dom zdravlja sa stacionarom“ Kakanj,
- f) JU „Dom zdravlja“ Maglaj,
- g) JU Dom zdravlja sa stacionarom Olovo,
- h) JU Dom zdravlja „Izudin Mulabecirović-Izo“ Tešanj,
- i) JU Dom zdravlja „Prim. dr. Mijo Grgić“ Usora,
- j) JU „Dom zdravlja“ Vareš,
- k) JU „Dom zdravlja“ Visoko,
- l) JU „Dom zdravlja“ Zavidovići,
- m) JU „Dom zdravlja“ Zenica i
- n) JU „Dom zdravlja sa stacionarom“ Žepče.

(3) Obavezuju se javne zdravstvene ustanove da provedu postupak javne nabavke u skladu sa Zakonom o javnim nabavkama i podzakonskim aktima koji su doneseni u skladu sa zakonom.

(4) Ukoliko nakon provedenog postupka javne nabavke ugovoreni iznos bude veći od iznosa iz člana 1. stav (2) Odluke, Ministarstvo zdravstva će finansirati iznos odobren Odlukom, a preostali iznos će finansirati javne zdravstvene ustanove iz vlastitih sredstava. U slučaju da ugovoreni iznos bude manji od iznosa iz člana 1. stav (2) Odluke, Ministarstvo zdravstva će finansirati iznos prema zaključenom ugovoru o nabavci ili fakturi dobavljača.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva iz člana 1. stav (2) ove odluke će se transferisati na žiro-račune javnih zdravstvenih ustanova, po okončanju postupka javne nabavke, na osnovu zaključenih ugovora o nabavci ili faktura dobavljača.

Član 3. (Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i javne zdravstvene ustanove iz člana 1. stav (2) Odluke, svako u okviru svoje nadležnosti.

Član 4. (Izvršavanje)

(1) Javne zdravstvene ustanove iz člana 1. stav (2) Odluke su dužne izvijestiti Ministarstvo zdravstva o namjenskom utrošku sredstava, dostavljanjem faktura dobavljača i dokaza o uplati sredstava dobavljaču najkasnije do 31.01.2026. godine.

(2) Javne zdravstvene ustanove iz člana 1. stav (2) Odluke dužne su izvijestiti Ministarstvo zdravstva o svim bitnim činjenicama koje su vezane za provođenje postupka javne nabavke (uložene žalbe, poništavanje postupka i sl.).

(3) U slučaju neizvršavanja ugovorenih obaveza dobavljača u ugovorenim rokovima Javne zdravstvene ustanove iz člana 1. stav (2) Odluke dužne su odmah izvijestiti Ministarstvo zdravstva.

(4) U slučaju nepostupanja prema članu 4. stav (1), (2) i (3) ove odluke, Javne zdravstvene ustanove iz člana 1. stav (2) Odluke dužne su odobrena sredstva uplatiti u korist Budžeta Zeničko-dobojskog kantona.

Član 5. (Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9902/25

Datum, 16.05.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x Javne zdravstvene ustanove iz člana 1. stav (2) Odluke,
putem Ministarstva,

1x „Službene novine Zeničko-dobojskog kantona“,

1x a/a.